

邓治古体诗词五首

【七绝】

中秋节

帘外清辉帘内同，
芋头香伴绿茶浓。
东江岸上儿时月，
伴我西来此际逢！

【贺新郎】

情人节

暮色垂村树。
小幽窗，
青阶素壁，
玉人田墅。
世事披靡天已醉，
颠倒黄钟瓦釜。
幸赖有、知音如汝。
旧味新蔬冬夜饭，
更庭中，
望月消愁绪。
荒谬岁，
结仙侣。

同游圣市观鲸处。
抱孙儿，
临风指顾，
海流云驻。
卅年一路休言易，
脉脉秋阳无语。
何必问、情深几许？
执手相依人未老，
见孩曹，

鼓翼思翔翥，
倾满盏，
为君赋。

【诉衷情】

旗峰惹梦（和箫泉）

旗峰惹梦伴涛声，
月照故园明。
乡关借问何处，
四万数归程。

迁客恨，
旅愁萦，
最伤情。
狮洋无浪，
海月有灵，
何要浮名。

注：旗峰：指东莞市祖山黄旗山。
狮洋——指狮子洋，在珠江口。
海月——指海月岩，在东莞，其下有井，
相传有海外游子未归，其妻每往窥之，
见井中有风帆则其夫将归。为旧东莞八
景之一：“海月风帆在井中”

【七律】

念孙儿

老眼昏花启视窗，
轻推滑鼠渐开颜。
孙儿齿幼关山远，
祖母年高步履艰。
载爱载嗔荧幕里，

相呼相唤视频间：
从今上定互联网，
晚晚亲情到夜阑！

【满江红】

叩键乐

网路神通，
方寸里，
牵连无极。
遛滑鼠，
视窗风物，
旧知新识。
紫电青霜藏秘技，
腾蛟起凤争春色。
笑白头，
更比少年迷，
争朝夕。

官方站，
聊天室，
十指落，
行文疾。
任村言雅语，
律诗随笔。
部落情深人气旺，
粉丝话重心肠热。
不期然，
读罢贴儿来，
双眶湿。